

AWIG - AWIG
DESA ADAT SANGGULAN



KELURAHAN BANJAR ANYAR
KECAMATAN KEDIRI
KABUPATEN DATI II TABANAN
TAHUN 1994

ARTI GAMBAR RING KULIT BUKU

1. Sila bucu lima, pralambang Pancaila.
2. Swastika, Pralambang Dharma, Artha, Kama, Moksa.
3. Undag tiga, pralambang Trihita (Karana) Pat kayangan,
pawongan, palamatan.
4. Gapura (Supit surang) Ngicalan manah sane mala
(Adharma).
5. Simbul padma (Padma Niasa), pralambang (stana) Hyang
Widhi, rawuh ring wisesan ida Dewa Trimurti malingga
ring kahyangan Tiga.
6. Padi lan Kapas pralambang sandang pangan.
7. Sibeh pinih sisining bunbunan, pralambang ngajegang
pelemahan telajakan (Bhuana Agung).

DAFTAR ISI

MURDHA WAKYA	1
SARGA I : ARAN LAN WAWIDANGAN	1
SARGA II : PAMIKUKUH LAN PATITIS	2
SARGA III : SUKERTA TAATA PAKRAMAN	2
Palet 1 Indik Krama	2
Palet 2 Paturunan lan Laluputan	6
Palet 3 Paruman	7
Palet 4 Prajuru	9
Palet 5 Indik Padruwen Desa	11
Palet 6 Indik Kulkul	12
Palet 7 Sukerta Pamitegep	14
Kaping 1 Indik Tegal, Karang lan Carik	14
Kaping 2 Indik Papayonan	14
Kaping 3 Wawangunan	16
Kaping 4 Indik Ngeletehin Karang...	16
Kaping 5 Indik Ngentasang Sawa	17
Kaping 6 Indik Padem ring Pekarangan Anak Lian	17
Kaping 7 Dusta miwah Bhaya	18
Kaping 8 Tataning Maseserep	19
Kaping 9 Wawalungan	20
Kaping 10 Panyanggran Banjar	21
SARGA IV : SUKARTA TATA AGAMA	22
Palet 1 Dewa Yadnya	22
Palet 2 Resi Yadnya	27
Palet 3 Pitra Yadnya	29
Palet 4 Manusa Yadnya	33
Palet 5 Bhuta Yadnya	34
SARGA V : SUKERTA TATA PAWONGAN	36
Palet 1 Indik Pawiwahan	36
Palet 2 Indik Sentane	38
Palet 3 Indik Warisan	38
Palet 4 Indik Sutrepting Pawongan	39

SARGA VI	: WICARA LAN PAMIDANDA	40
	Palet 1 Indik Wicara	40
	Palet 2 Indik Pamidanda	41
SARGA VII	: NGUWAH NGUWAHIN AWIG-AWIG	42
SARGA VIII	: P E M U P U T	44
LAMPIRAN 1	: SURAT PERNYATAAN WATES SISI KALER DESA ADAT SANGGULAN LAN KELOD DESA ADAT JADI.	
LAMPIRAN 2	: SURAT PERNYATAAN WATES SISI KELOD DESA ADAT SANGGULAN LAN KALER DESA ADAT DEMUNG	

MURDA WAKTYA

Om Swastyastu, Awighnamastu namo sidham, Putusing
Paseban Krama Desa Adat Sanggulan, gumawe Awig-Awig Desa
Adat (Pakraman) maka sepat siku-siku pameneh, wastu
kasidhan prayojanan mami kabaeh, prasama Angitap muah
amagrehaken kadi linging Awig-Awig iki.

SARGHA I

ARAN LAN WEWIDANGAN

Pawos 1

1. Desa Adat Puniki mewasta Desa Adat Sanggulan.
2. Jebar wawidangannya nyatur :
 - a. Sisi Wetan (Kangin) : Yeh Dati.
 - b. Sisi Kulon (Kauh) : Yeh Panahan.
 - c. Sisi Kidul (Kelod) : Desa Adat Demung.
 - d. Sisi Lor (Kaja) : Desa Adat Jadi.
3. Kakuwub :
 - a. Papupulan karang paumahan manggeh palemahan Desa Pakraman.
 - b. Kahyangan, Setra, Carik, miwah Tegalan, ring kakuwub wawidangan Desa pakraman manggeh telajakan Desa Adat.
4. Desa Adat Sanggulan kepah dados 2 (kalih) banjar tempekan luire :
 - a. Banjar Tempekan Dauh Maragi Tengah;
 - b. Banjar Tempekan Dangin Margi Tengah;
5. Banjar Adat mawak pahan Desa Adat, tan kawenangan ngardi awig-awig.
6. Tempekan mawak pahan Banjar, kesinanggeh tangan sukuning Banjar tur tan kewenang makarya awig-awig.

7. Desa Adat Sanggulan mamuatang piranti minakadi :
- a. Wawangunan Kahyangan;
 - b. Bale Paruman Desa/wantilan;
 - c. Bale Kulkul.

SARGHA II

PATITIS LAN PAMIKUKUH

Pawos 2

Desa Adat Sanggulan ngamanggehang pamikukuh minakadi :

- a. Pancasila,
- b. Undang-Undang Dasar 1945, pamekas pasal 18,
- c. Tri Hita Kerana manut Sada Cara Agama Hindu.

Pawos 3

Patitis Desa Adat Sanggulan :

- a. Mapataitis miwah ngerajegang Sanghyang Agama.
- b. Nginggilang tata pawertine maagama Hindu.
- c. Ngerajegang kasukertan Desa saha Pawongannya sekala lawan niskala.

SARGHA III

SUKERTA TATA PAKRAMAN

Palet 1

Indik Krama

Pawos 4

Sane kabawos Krama Desa inggih punika :

- a. Kulawaraga sane maagama Hindu jenek mapaumahan ring wawidangan Desa Adat Sanggulan tur nyingkemin kayangan tiga.
- b. Sajaba punika/tios ring punika kabawos tamyu.

Pawos 5

Dasar Pakraman :

- 1. Sahanan Warga Desa sane sampun marabian patut ngawit

makrama Desa Adat.

2. Satunggil Krama manut karendahan kulawarganya patut keni ayah-ayahan sinalih tunggil :
 - a. Ayah marep.
 - b. Ayah Balu.
3. Sasengker ngawit tedun ngayah yan sampun marabian Kesuluran manut pararem.
4. Pangayah marep wenang kasade, yan sampun kapastikayang antuk pararem luire :
 - a. Sakit tahunan tan tinambanah.
 - b. Yusane sampun lingsir (60 tiban).
5. Kulawaraga sane maagama Hindu wiwitan saking warga desa sewosan wenang ngaranjing makrama, prade pacang jenek mapumahan ring wewidangan Desa Adat Sanggulan.
6. Yan tan jenek mapumahan kadi ring ajeng wenang dados panumpang.
7. Sang ayat ngaranjing makrama utawi numpang patut atur upeksa ring Bendesa Adat, indik genah paumahan utawi panumpangnya.
8. Sulur kalih tata cara ngaranjing makrama desa utawi numpang kaanutang ring pararem.

Pawos 6

Wusan makrama :

Sinalih tunggil kulawarga wusan makrama desa, prade kulawarga inucap :

- a. Magingsir saking linggih wawidangan Desa Adat.
- b. Wit Tiwal ring pararem krama desa, kenorayang utawi tan tinut ring patuduh prajuru indik nyupat raga ngesehin prawerti.
- c. Katiwakin pamidanda kanorayang, olih kelian Desa Adat tur kapikukuhin antuk paraarem Desa Adat.

- d. Pamidanda nganorayang inucap, atur upeksa ring guru Wisesa.
- e. Sang katiwakin pamidanda inucap, prade kukuh patut digelis atur piuning ring Guru Wisesa.
- f. Sang wusan makrama desa tan polih pah-pahan sahananing druwen Desa.
- g. Desa wusan mapaweweh pasayuban kasukertan sakaluire marep ring sang kanorayang.

Pawos 7

Ayahan Balu :

Ayah-ayahan Balu Luire :

1. Balu remban sane pianaknyane kantun alit-alit, keni ayah-ayahan manut pararem.
2. Balu remban luh wiadin muani, yan pianaknyane sampun teruna/daha keni ayah-ayahan sawengkul.
3. Balu ngalentik keni ayah-ayahan manut pararem.

Pawos 8

Sulur ayah-ayah.

Sajeroning ayah-ayahan Krama kasulurang :

1. Dados ngawakilang ring anak sewosan sane sampun menek taruna/deha mayusa 17 tiban ngunggahang.
2. Dados mapuangkid, prade wenten kabuatan-kabuatan luire :
 - a. Keni dadawuhan ring Guru Wisesa.
 - b. Kaluwasan, ngawangun umah, mayadnya miwah kabuatan sewosan.
 - c. Kapiabeng (sungkan, matepetin, kapademan lan sakancannya).
3. Dados ngopog utawi numbas prade :
 - a. Dados Pegawai Pemerintah,

- b. Magingsir genah jenek ngarereh pangupa jiwa ring
Desa sewosan.

Pamutus tatacara panumbas ayah-ayah kasufurang ring
pararem.

Pawos 9

Wastan ayah-ayah :

1. Sahanan warga Desa sane sampun mayusa anom miwah dehe,
sowang-sowang patut tedun ngayah kawastanin ayah
teruna, miwah sane deha kawastanin ayah-ayah deha.
2. ayah-ayah teruna miwah deha kapupulang ring sekeha
teruna-teruni.

Pawos 10

Tedun makrama :

1. Nyulurang tedun makrama kalih ngetang rarobahan ayahan
luire :
 - a. Ngawitin ngetang nangken nyepi (sasih kesanga)
ring ayahan ngarep.
 - b. getag premangkin marep ring ayahan balu.
2. Sahanan indik wusan makrama adat kaetang premangkin.
3. Nangken ayatan panumayan ngawentenang rarobahan,
inucap patut Bandesa Adat ngawantunin nyacah jiwa
ngetangang kalih mastikayang pakeraman miwah ayah-
ayahan kadi ring ajeng ring pawidangan Desa Adat.
4. Kapastikayang nyacah jiwa pemekas indik pakraman miwah
ayah-ayah kapikukuhang antuk pamutus paruman Desane
kandugi kengin kalaksanayang.
5. Pemastian inucap digelis kasuratang ring ilikhita
(buku daftar krama).

Palet 2

Paturunan Lan Laluputan

Pawos 11

1. Paturunan utawi papeson krama Desa sajeroning ngupadi kasukertan kasulurang :
 - a. Pangayah ngarep keni sawungkul.
 - b. Pangayah balu remban keni sawungkul.
 - c. Pangayah balu ngalantik keni manut pararem.
2. Desa mapaweweh laluputan ayah-ayah utawi pakenan-kenan ring sang nginggilang linggih, utawi sakewelas asih.
3. Sor singgih laluputan miwah bacakan sane luput, kaunggahang ring pararem.
4. Sajeroning prajuru desa sane pastika patut polih laluputan pamekasnya :
 - a. Para Sadhaka makadi Pemangku Kahyangan lan penyade.
 - b. Para srati lan sutri.
 - c. Sang sungkan tahunan tan tinamban.
 - d. Wong cedaangga banget.
 - e. Wong alit ubuh meme bapa.

Pamastikan inucap ring ajeng kasulurang ring pararem.

Pawos 12

Swadharman Warga Desa :

1. Sahananing warga desa patut :
 - a. Dreda aturang ring Desa.
 - b. Tinut ring sadaging awig-awig, pararem miwah pamutus-pamutus prajuru.
 - c. Tan maren ngutsahayang mangda Desa nyidayang kadi munggah ring ajeng pamekas indik dasar lan tatujon.
 - d. Tatak ring kertin Desa.
2. Wong Desa sane manggeh panumpang/tamyu ring Desa Adat puniki patut :

- a. Tinut ring katiwak Desa ngeninin indik ngupadi kasukertan Desa.
- b. Tan wenten tungkas ring sapamargin kartin Desa genahnya jumenek.
3. Sahanan warga Desa rawuhin sang kasinanggeh tamu, wenang polih pasayuban ngamanggehang kasukertan rasa Agama saha druwenya sowang-sowang.
4. Sahanan waraga Desa polih pasayuban/pangayoman manut dresta lan kewenangan indik :
 - a. Sangaskara kahuripannya sane mabuat sane mastika- yang sulur pakulawarga.
 - b. Kasukertan miwah kasucian dewek, parhyangan miwah karang paumahannya sowang-sowang.
 - c. Kasukertan padruwenya sowang-sowang.
 - d. Mawosin tur niwakin pamutus sahanan wicara.

Palet 3

Paruman

Pawos 13

1. Paruman ring Desa luire :
 - a. Paruman Desa Adat.
 - b. Paruman Prajuru Adat.
 - c. Paruman Sekehe teruna-teruni.
 - d. Paruman Banjar Adat.
 - e. Paruman Tempekan.
2. Sahanan paruman sidha lumaksana, yan sampun katedunin antuk Sang patut nyarengin langkungan ring atenga keh ipun.
3. Sahanan pemutus kautsahayang pisan mangda malarapan antuk saka atilinganing ambek, gilik briyuk siyu, suarane makehan dados pamutus.
4. Ring sahanan paruman tan maren kamanggalaning antuk

ilen ngareana Ida Bhagawan Panyarikan malarapan antuk
Widhi Widhana sanistan ipun Canang pangerawos miwah
Cane.

Pawos 14

Tataning Paruman

1. Paruman Desa patut kawentenang ngatahun apisan nangken tanggal pisan tahun baru icaka.
2. Nangken paruman kadi ring ajeng Bendesa Adat nyiarang pamargin ngeterang Desa pamekas indik :
 - a. Ngunjuk lungsur krama miwah ayah-ayah.
 - b. Pamargi panelas panelas miwah sulur artha berana druwen Desa.
 - c. Pamargin usaha desa sane mabuat.
 - d. Sahanan wicara saha pamutus-pamutusnya.
 - e. Daging pararem miwah pasuara-pasuara sane mambuat.
 - f. Pangerencana prajuru indik usaha kartin Desane kapungkur.
 - g. Miwah sane sewos-sewosan.
3. Sahanan sasiare ring ajeng katibanin saha katiwakin pamutus antuk pararem Desa.
4. Pamutus pararem inucap ring ajeng, sinanggeh sepat siku-siku sane patut kasungkemin saha katinutin antuk wong Desa sami pamekas antuk prajurune.
5. Sajaba kadi menggah ring ajeng, paruman Desa patut kawentenang prade kawidi olih krama sane sanistan ipun pah tiga papulan krama Desa.
6. Sangawidhi patut mastikayang bantang sane sandang bawosan ring paparuman inucap.
7. Prade prajuru Desa ngarasayang mabuat pisan, taler patut ngawidhi ngawentenang paparauman Desa.

8. Paruman Desa inucap, taler patut katiwakin pamutus kadi menggah ring ajeng.

Pawos 15

Paruman Prajuru :

1. Paruman prajuru Desa patut kawentenang sanistane tigang sasih apisan.
2. Paruman inucap katuntun antuk Bendesa Adat.
3. Paruman prajuru kawentenan wantah ngarincikang tata upaya/pangunadika ngalaksanayang usaha miwah pangarencana saka luire.
4. Sahanan rerancangan tan wenang kalaksanayang sabanen kapikukuhin antuk pamutus paruman Desa manut dadudonan.
5. Paruman wantah sinanggeh ngawisesa sane wenang nyelem putihang tata pangenter Desane manut dresta.

Palet 4

Prajuru/Dulu-dulu

Pawos 16

1. Desa Adat Sanggulan kaenterang olih Bendesa Adat.
2. Banjar Adat kaenterang olih Kelian Banjar Adat.
3. Tempekan-tempekan kaenter olih Kelian tempekan nunggal-nunggal.
4. Bandesa Adat, Kelian Banjar Adat, Kelian Tempekan kaadegan malarapan antuk parumannya sowang-sowang :
 - a. Mawiwit saking krama marep.
 - b. Bakti ring Ida Sanghyang widhi Wasa.
 - c. Jujur, berwibawa, uning ring praindikan Keadatan lan Agama Hindu.
 - d. Madue kawiklanan bebuatan desa.

5. Bendesa Adat pinaka pangenter Desa, kasanggra olih prajuru luire :
 - a. Penyade pinaka wakil.
 - b. Penyarikan pinaka juru surat.
 - c. Patengen pinaka pangemong druwening Desa Adat.
 - d. Kelian pinaka pengenter Banjar Adat.
 - e. Kelian Tempekan pinaka pengenter tempekan.
6. Prajuru/Dulu Desa kegentosin riantuk :
 - a. Sede/Padem
 - b. Kanorayang dwaning iwang pamargi menawi nilar sasana.
 - c. Wit saking pekayun rahayu pinunas raga.
 - d. Nganorayang utawi ngentosin prajuru patut sejeroning paruman.

Pawos 17

Swadarmaning Prajuru :

1. Swadarmaning Bendesa Adat luire :
 - a. Ngenterang paruman-paruman Desa Adat.
 - b. Ngenterang pangelaksana daging awig-awig miwah pamutus pararem.
 - c. Ngaraksa miwah midabdabin tataning ngangge saraja berana druwen Desa.
 - d. Ngenterang saha nuntun krama ngupadi kasukertan sekala lan niskala.
 - e. Nuntun saha nyaksinin tatacara miwah sangaskaraning sahuripane mabuat sane ngilitang sulur pakulawar-gan.
 - f. Nuntun saha ngenterang iwarga desa ngupadi nginggilang Sanghyang Agama, kasucian kahyangan, kasucian pawongan, kasucian palemahan miwah tata caraning sastra.

- g. Mawosin miwah niwakang pamutus marep ring wicran wargan Desa.
 - h. Ngawakilin Desa matemuang bawos ring sapasira ugi.
 - i. Lan sios-siosan sane wenten paiketannya ring Desa Adat.
2. Tata carane ngelaksanayang swadharma ring ajeng tan maren patut anut ring awig-awig, pararem dresta miwah pamutus paruman Desa.
 3. Pangelaksanane ring ajeng patut kasiarang ring paruman kapungkur ipun.
 4. Bandesa Adat sumakuta/sumanggup natak pamutus paruman desa ngenin swadharma sowang-sowang.

Pawos 18

Olih-olih Prajuru :

1. Olih-olihan prajuru inucap kasuluran manut pararem.
2. Laluputan lan pakenan-kenan taler kasuluran ring pararem.

Palet 5

Indik Padruwen Desa

Pawos 19

1. Tri Kahyangan, Pura Desa (Pura Ring Bale Banjar), Setra/Sema lan Pura Prajapati.
2. Palaba sane marupa :
Tanah Carik :
 1. An. Nama seka Gong Sanggulan, Nomor SPPT. 33, Luas 34,50 are, Persil 51A, Klas 40.
-Nomor SPPT 33, Luas 40 Are, Persil 57,
 2. Tanah Carik :
Laba Due Pura Dalem : Luas $\pm$ 30 are.
 3. Tanah Carik :

Laba Due Pura Puseh ring subamia pengganti rugi
tanah SD Inpres No. 6 Sanggulan Luas $\pm$ 20 are.

Tanah Tegal :

1. Laba Due Pura Dalem luas $\pm$ 50 are.
2. Laba Due Pura Bale Agung Luas $\pm$ 12,5 are.
3. Laba Due Pura Puseh luas : $\pm$ 30 are.
3. Karang Adat (Desa) utawi Tanah gewé kasuratan ring
peta desa Adat.
4. Ilikhitan Palaba lan karang adat inucap kasuratan ring
ilikhitan Desa.
5. Tanah Plaba Pura saha upon-upon sahananing druwen Desa
Adat sami, kapastikayang kaatur miwah katitenin olih
prajuru kaanggen nyanggra kabuatan Desa Adat.

Pawos 20

Olih-olih Desa Adat luire :

1. Piolih saking Palaba Desa/Pura.
2. Urunan saking Krama Desa Adat.
3. Paica saking Guru Wisesa.
4. Usaha-usaha Desa Adat sane sewosan, kasuluran manut
pararem.
5. Dana Punia sane patut.

Palet 6

Indik Kulkul

Pawos 21

1. Kulkul :
 - a. Kulkul Desa Adat.
 - b. Kulkul Sekehe Gong.
 - c. Tawa-tawa tetenger kepadaman/sede.
2. Kulkul Desa manggeh piranti/sarana tetengeran, kabua-
tan anggen wangsit ring wawidangan Desa Adat.

3. Kulkul Desa tan wenang ketepak yan tan manut kadi linging awig-awig puniki utawi yan tan sakaning pituduh Bandesa Adat/Kelihan Banjar manut dadudonan sajawaning rikala pacang ngewentenang tatengeran kadi menggah ring ajeng.
4. Sang nepak kulkul tan sangkaning pituduh prajuru, patut digelis atur upeksa ring kelihan, saha nguningayang kabuatan panapake kadi ring ajeng.
5. Sahanan kulkul Banjare patut, nyarengin kaatepak, prade wenten amuk bayapati.
6. Tabuh tepakan kulkul Desane pastika masewos-sewosan manut kabuataan kadi ring sor :
 - a. Tatengeran Upacara Yadnya. Sane sampun kesiaran.
 - b. Tatengeran ngawit ngalaksanayang pakaryan kadi sampun kaarahan utawi kasiarang.
 - c. Tatengeran wong kepelegandang (ooo ooo ooo ooo ooo)
 - d. Tetengeran wong Desa kemalingan (ooo ooo ooo ooo ooo)
 - e. Tatengeran wong Desa Kabegal, kaamuk, kabaak, geni bhaya, miwah bhaya pati sewosan. (oooooooooooo ooooooooooooo ooooooooooooo).
 - f. Tetengeran yen wenten kaula warga Desa/Banjar sane sede keanggen wangsit tepakan Tawa-tawa (o - - - , o - - - , o - - -).
7. Swaran Kulkul sekehe-sekehe sakaluire ring Desa/Banjar Adat, tan wenang matehin swaran kulkul Desa/Banjar Adat.

Palet 7

Sukertan Pamitegep

Kaping 1

Indik Tegal, Karang, lan Carik

Pawos 22

1. Sahanan karang paumahan patut :
 - a. Pastika wenten wates ipun,
 - b. Mapemedalan karurung.
2. Bendesa Adat patut ngutsahayang mangda sami pekarangan warga Desa, kadi ring ajeng.
3. Sahanan krama patut ngawatesin karangnyane, tegal lan carik, sowang-sowang jantos sidha trepti nyatur Desa.
 - a. Wates karang, tegal, Magaleng keluan, patut kekaryanin tur keplihara oleh sang ngemong, wates sisi kaler, miwah kangin.
 - b. Wates Tanah Carik, Magaleng Keteben patut kekaryanin sang ngemong wates sisi Kelod muah kauh.
4. Wates karang sane majepitan, patut kategen oleh krama sane mahuluan kawates inucap manut dresta.
5. Telajakan karang sowang-sowang patut kapiara antuk krama sane nuwenang karangnyane.
6. Margi ring harepan karang krama sowang-sowang, patut kepiara antuk krama Desa saha kasarengin antuk krama sowang-sowang nelajakin.
7. Taru miwah olih-olihan/woh-wohan sane maurip ring wates kadi ring ajeng kadruwen olih krama inucap.

Kaping 2

Indik Papayonan

Pawos 23

1. Tanem tuwuh sakaluire, miwah tatangangge karang tan

wenang ngungkulin utawi naonin miwah ngawinang pocel panyandingnyane.

2. Prade wenten kadi inucap (1), wenang ketepas ngantungin saha ketelasin olih krama sane madruwe taneman tuwuh mayanin panyanding punika, saha carane :

a. Krama sane tanem tuwuhnyane mayanin panyandingnya atur supeksa ring prajurune, mangda kasaksinin rikala nelasin/notor ngebah lan selanturnya.

b. Atur supeksa ring prajuru, nunas tempo panumayan pacang makarya nelasin.

c. Sadurung lintang tempo prade tanem tuwuh/tatangunan sane mayanin panyandingnya rubuh, tan jumuga antuk linuh, angin, sabeh lan sakancannya sang adruwe luput saking kaiwangan.

d. Tanem tuwuh/tatangunane sane rubuh punika wenang kataban antuk sang keni bhaya.

e. Saluwiring tanem tuwuh miwah tatangunan sane ngungkulin utawi mayanin panyandingnyane, panepat gantung wenang maren ngajeroang adepa agung (lebih kuwang, 2,50 m) saking wates.

f. Tanem tuwuh sane wenten adepa agung (2,50 m) ngajeroang saking wates, tegoh ipun dados duang depa agung ($2 \times 2,50 \text{ m}$) = 5 meter.

g. Tanem tuwuh sane wenten ring wates, tegoh ipun dados $1 \frac{1}{2}$ depa agung utawi telu tengah meter ($3 \frac{1}{2}$).

3. Taler tan wenang makarya lolohan toya pangutangan kakarang panyandingnya.

4. Saluwiring tanem tuwuh miwah tatangunan krama ring pakaarangannya rubuh tur mayanin tatangunan krama lianan, yadyan sajeroning pakaarangannya, patut krama

inucap sane (sanen mayanin) negen prabayan pasangaskaran, yan sang keni baya sampun atur supeksa ring prajuru, taler tanem tuwuh utawi tatangunan sane mayanin punika, kebukti antuk sang keni baya.

5. Krama desa patut ngamanggehang kawerdian tanem tuwuh sane ngawinan Desane asri tur lestari.

Kaping 3

Wawangunan

Pawos 24

1. Nyabran ngawangun patut :
 - a. Masadok ring prajuru, prade wawangunan punika ngeninin wates,
 - b. Ngangge asta bhumi miwah gagulik asta kosala-kosali, sanistane manut patitis niskala,
 - c. Tan nyayubin/naonin ngungkulin pisaga.
2. Prade wawangunan jantos nyayubin bilih-bilih temboke ring telengin batas risampun kawara tur kasadokang ring prajuru, sang adruwe wenang kadanda manut pararem, saha tembok punika kagubar utawi kakaryanang abangan.

Kaping 4

Indik Ngaletihin Karang

Pawos 25

1. Tan wenang nanem utawi nunjel sawa miwah awak-awakan sawa ring karang paumahan.
2. Tan wenang makta (ngenahang) barang sakaluire, sane ngeletehin manut agama ring karang paumahan, bilih-bilih yan kaletelahannya ngalantur sinanggeh ngalimbak kekarang anak siosan miwah Desa pakraman.

Kaping 5

Indik Ngetasang Sawa

Pawos 26

1. Ngetasang sawa kapatutang ring pakarangan miwah pemedalan sane mula yogya pemargin sang madruwe sawa, yadyastun wenten pemedalan siosan.
2. Ngetasang sawa ring carik wiadin tegal anak lian, kapatutang manut pituduh prajuru Desa lan prajuru subak.
3. Indik tatanan ngetasang sawa kasulurang sakadi :
 - a. Tanah sane kemarginin kadi inucap patut kaprayascita antuk sang madrebe sawa, tur ngamargiang ring tanah sane kaentap pinih rihin selantur ipun tanah sane kaentap ukuran patut kasiratin kewannten antuk tirtha pamrascitan punika.
 - b. Ngentasang sawa ring tukad, pangkung, sang madruwe sawa tan sandang ngawentenang pamrascita ring genah-genah sane kaentap punika, sakemawon yening ring telabah, sang madruwe sawa wenang kakeninin upakara pamrayascita.

Kaping 6

Indik Padem ring Pakarangan anak lian

Pawos 27

1. Yan wenten jadma padem ring karang paumahan wiadin tegal miwah carik anak lian, genah punika patut kaparyascita antuk sang maderbe sawa nganutin sapatuduh sang madrebe karang katuntun antuk Bandesa Adat manut Sastra Agama.
2. Yan wenten sawa wiadin barang sewosan sane sinanggeh letih Manut Agama tan wenten kajantenan sang madruwe,

patut kasanggra tur kapastika indik pangupa ayunnya
antuk Desa, sesampune polih panugrahan sang Guru
Wisesa.

Kaping 7

Dusta miwah bhaya

Pawos 28

Indik Dusta :

1. Laksana sane sinanggeh Dusta luire :
 - a. Mamaling/Ngombak utawi ngerampok.
 - b. Malegandang.
 - c. Nastika utawi duracara ring Agaama miwah sakancan-nya.
2. Sahanan warga desa prade uning wentene jadma malaksana Dusta ring sajeroning Desa pakramannya, patut digelis atur upeksa ring prajuru.
3. Bilih-bilih mabuat kawentenanne, sang uning inucap patut digelis nepak kulkul Desane manut ring rupan pangelaksanaan dustane.
4. Prade wenten jadma tios nyaduang, pratingkahe punika kabawos ring corah patut kadanda manut pararem Desa, tur prade jantos ping tiga malaksana seruron ring corah wenang kasukserah ring Guru wisesa.

Pawos 29

Indik Bhaya

1. Sane kasinanggeh bhaya luire :
 - a. Jiwa bhaya
 - b. Artha bhaya.
 - c. Geni bhaya.
 - d. Toya bhaya.
 - e. Amuk bhaya pati.

2. Sahanan warga Desa prade uning ring kewentenan bhaya utawi panangkan bhayane, patut pramangke atur uning ring prajuru/Bandesa Adat.
3. Bilih mabuat kawentenan ipun, sang uning patut digelis nepak kulkul Desane, tata titi penepakan kulkul kaanutang ring pawos 21 Palet 6.
4. Prade ring Desa kahanan jiwa bhaya, patut kawentenang Pengepahayu Desa, tur sang mayanin kaaturang ring sang ngawiwenang.
5. Prade wenten jadmamamisuh utawi mnguman-uman jadmatisan ring kahyangan Desa sakaluire, kakenenin pamidanda manut pararem.

Kaping 8

Tataning Maseserep

Pawos 30

1. Warga Desa sane kaicalang/kemalingan prade pacang maseserep patut nunasan bebasan miwah panuntun ring bandesa adat utawi Guru Wisesa.
2. Prade genah maseserep ngalangkungin ke Desa sewosan, patut taler nunas bebasan saking Bandesa Adat irika utawi Guru Wisesa.
3. Bandesa Adat inucap ngicen panuntun, mangda tatacarane maseserep manut ring drestanne.
4. Sahanan warga Desa prade polih nuduk barang sakaluire patut atur upeksa ring Bandesa Adat.
5. Bandesa Adat patut nyiarang barang dadudukan punika, mangda sang madruwe prasidha rawuh mariangken jati tan jati barang punika mula wantah padruwennya.
6. Prade tigang sasih tan wenten jadmamariangken/ngelingin, wenang kadruweyang antuk sang nuduk, sasampun polih lalugrahan saking sang ngawiwenang/Guru Wisesa.

Kaping 9

Wawalungan

Pawos 31

1. Tan wenang ngelebang wawalungan luire :
Bawi, Kambing, Kebo, Kuda miwah sakancannya, bilih-bilih ngantos ngrusak panyandingnya miwah ring margine.
2. Sahanan warga Desa miara sakaluiring wawalungan patut sayage nitenin negul/ngalogorin mangda ubuhannya tan wenten ngrusak kadi ring ajeng.
3. Prade wenten wawalungan ngeleb, saha ngeranjing pakarangan lianan sang madruwe karang punika wenang malungguhang sane nruweyang wawalungan punika, bilih-bilih ngawinang jantos ngrusakin, mangda sang ketetehan mangde mesadok ring Prajuru.
4. Bilih-bilih asasih ping tiga sampun malungguhang, wawalunganne wenang kataban, sang naban punika patut atur uninga ring prajuru/Bendesa Adat sapunika taler wawalunganne sane kataban wenang kapiara olih sang naban sadurung katebus olih sang madruwe.
5. Sang nruweyang patut nebus, tur agung alit panebusanne katiwakang antuk prajuru kadulurin pamidanda manut karusakan sane kawetuang miwah ngawaliang prabeya miara selami ring genah sang naban.
6. Prade wenten wawalungan ngaranjing ring kahyangan, sang madruwe wawalungan punika patut kasisipang antuk danda prabeya ring upakara pamarisudha sapatutnya, agung alit upakara manut pamastian prajuru madasar antuk smerti Agama Hindu lan pararem Banjar.
7. Yen wenten wawalungan keni palungguhan, bilih-bilih jantos kataban, nanging tan wenten sane ngangkenin

- masuwe tigang rahina patut wawalungan punika kasukserahang ring prajuru Desa.
8. Yen wawalungan punika padem tan sangkaning kakardinin sejeroning kataban, sang naban punika tan wenang ngarasain pangentos pangarga prabeya miaranin ring sapa sira ugi, taler sang madruwe wawalungan punika tan wenang ngarsayang pangentos pangangan ring sapa sira ugi.
9. Tata cara malungguhang/naban miwah nebas wawalungan mangda majalaran antuk sauninga lan sapatuduh Bandesa Adat.

Kaping 10

Panyanggran Banjar

Pawos 32

1. Krama Desa rikala ngawentenang karya suka miwah duka patut kasanggra antuk Banjar/Tempekan manut kabuatang luire :
- a. Dewa Yadnya.
 - b. Manusa Yadnya.
 - c. Resi Yadnya.
 - d. Pitra Yadnya.
 - e. Bhuta Yadnya.
 - f. Ngingsiran Tetangunan.
 - g. Miwah karya-karya tiosan sane mabuat kapastika-
yang antuk pararem Banjar.
2. Banjare patut madarsana antuk rasa paramatulung ring sang madruwe karya, nanging tan maren miteketang kasusatian kramane ring Banjar.
3. Bilih karyane abot, banjare wenang ngerereh pitulung ring Banjar sewosan, ketitenin oleh Prajuru.

SARGA IV
SUKERTA TATA AGAMA

Palet 1

Dewa Yadnya

Pawos 33

Genah Suci

Kahyangan panyiwian Desa Ada Sanggulan luire :

- a. Kahyangan Puseh -----> Buda Kliwon Paang
- b. Kahyangan Pura Desa ---> Buda Manis Prangbakat
- c. Kahyangan Dalem -----> Purnamaning Kelima
- d. Kahyangan Mrajapati --->Purnamaning sasih keenem
- e. Pelinggih Bagawan -----> Buda Urip Wuku Watu Gunung.
Penyarikan.

Pawos 34

Widhi Widana.

1. Pengaci ring sowang-sowang kahyangan inucap ring ajeng pawos 33, sastra, a,b,c,d, lan e, kelaksanayang manut dadudonan sane menggah ring sastra agama tur kasanggra antuk Banjar secara magilir manut pararem.
2. Bendesa Adat/Prajuru mangda nuntun sahanan upakara Widhi Widana kamanggehang manut sakawentenannya luire :
 - a. Ngagalung.
 - b. Ngusaba Desa lan Ngusaba Nini.
 - c. Tawur pangaci indik kdurmenggalan.
 - d. Siwaratri.
 - e. Pagerwesi.
 - f. Saraswati.
 - g. Tawur Kesanga (Penyepian), miwah rarahinan sane sewosan manut pararem madasar antuk Purana Agama Hindu.

3. Prabeyan sarwa pangaci manggeh kabuatan Desa, kemedalin antuk krama Desa.
4. Bendesa Adat sareng angga prajuru patut nitenin pidabdab lamakane Desane sidha trepti asuci laksana nganutin kabuatan upakara manut puranan.
5. Sang Kecihnayang ngrusak padabdab inucap ring ajeng wenang katiwakin pamidanda manut pararem.

Pawos 35

Kasukertan Kahyangan

A. Tan kalugra ngaranjing kakahyangan :

1. Sang katibenin cuntaka, makadi sebel saking ngaraga:
 - a. Sebel kandel ngarajasewala selami sedereng mabersih.
 - b. Sebel madruwe putra selami 42 hari/rahina.
 - c. Sebel pangantenan selami durung mabhayakala.
 - d. Sebel riantuk madruwe kaluarga kapademan/kalayu sekaran kantos masapuh/sadurung tutug pangalemmijian.
 - e. Sahanan jadm patita (pianak astra), wong bobot tan kasinanggas karan, wong mamitra ngalang, wong edan, miwah candalane siosan sadurung kalukat utawi kaprayascita manut Agama Hindu.
2. Makta sahanan barang sinanggeh ngeletehin.
3. Satom Agung (sukupat) sajawaning rikala mapanada.

B. Tan kalugra malaksana sane ngeletehin, upami :

1. Masumpah 9 cor sajawaning pituduh prajuru.
2. Makobetan, masenengan makolem dados asiki lanang wadon, mabacin miwah solah sane ngawinang wihara sewosan.
3. Ngambahan rambut sajawaning rikala katapak/kaling-gihin antuk Ida Bhatara.

4. Munggah tedun ring palinggih-palinggih yan tan kalugra olih prajuru.
5. Krama sane uning utawi manggih yaning wenten jadma ngaletihin kahyangan kadi inucap, patut matur piuning ring prajuru.
6. Prade tan wenten katinutin, utawi mamurug larangan/gaguat inucap wenang kasisipang antuk danda manut pararem.
7. Prajuru patut mastikayang sang wenang nyanggra tapakan-tapakan utawi/ilen sane patut kapingitan kasuciannya makadi arca, pangawin, keris miwah barang sane suci sewosan.
8. Bandesa Adat saha angga prajuru tan maaraen nuraksain, nentenin mangda pamangku, panyade lan sutri rajeg nganutin sasana ring kahyangan kandugi tegteg kaheningannya.
9. Kahyangan panyiwian pamaksan pakulawargan sejebag Desa Adat Sanggulan, sajeroning tata cara ngastitiyang kasuciannya patut saelon ring panyiwian Desa.
10. Yan tan manut kadi munggah ring ajeng, pralinggan kahyangan inucap, tan dados kasarengan rikala samuha/nyejer ring Bale Agung rikala ngusaba Desa/ngusaba nini lan upacara sewosan.
11. Tanah palaba Pura saha upon-upon punya kalih sahananing druwen Desa Adat sami, kapastikayang kaatur miwah katitenin olih prajuru, anggen nyanggra kabuatan Desa Adat.
12. Yening wenten jadma karawuhang ring pura tan saking nyanjan tur ngawinan biyutan Desa keni pidanda manut pararem.

13. Sang mamurug gaguate ring ajeng, keni pamidanda pamrayascita sapatutnya manut pararem.

Pawos 36

Pemangku, Srati lan Sutri,

1. Ring Desa Adat kawentenang Pamangku, Srati lan Sutri.
2. Pamangku Srati lan Sutri inucap kaadegang manut dadudonan sakadi ring sor :
 - a. Ngelingin saking katurunan.
 - b. Kapilih olih krama Desa Adat.
 - c. Saking nyanjan.
3. Prabeya upakara ngawentenang adiksa widhi marep ring pamangku srati lan sutri, kamedalin antuk krama desa manut kabuatan lan kawentenannyane saha kapikukuhang ring pararem.
4. Yening ring seda riwekas desane maweh dana atiwa-tiwa manut pararem.
5. Pemangku kengin kesanggra olih Penyade manut kebuatan.

Pawos 37

Swadharmaning Pamangku, Panyade, Srati lan Sutri :

A. Swadharman Pamangku lan Penyade :

1. Nuntun krama Desa ngamanggehang kasucian kahyangan.
2. Munggah tedun ring palinggih kahyangan panyiwian Desa miwah ngiyasin pralingga manut pamastikan prajuru.
3. Nuntun saha nabdabang ilen Yadnya krama Desa ring panyiwian Desa Adat Sanggulan manut kabuatan krama.
4. Rajeg nganutin sasanan Pamangku manut Tatwa Agama Hindu.

B. Swadarmanin Srati lan Sutri :

1. Ngeterang krama Desa sajeroning midabdabin upakara Yadnya manut pamastikan prajuru.
2. Nyanggra Pamangku-pamangku sajeroning ngilenang Upakara Yadnya.
3. Tan maraen ngutsahayang kamanggehang kasucian angga lan Desa Adat.
4. Pamangku, Panyade, Srati lan sutri tan kengin kaadegang luwire :
 - a. Cadaangga (buta, bongol, peceng, perot lan sakancannya)
 - b. Gring ila miwah sakancan penyakit sane manular.
 - c. Nastika (tan ngugonin pangajah Agama).

Pawos 38

Nyuwudang Pamangku

1. Pemangku kagentosin riantukan :
 - a. Seda
 - b. Pinunas ngaraga, manawi kageringan lan sakancannya.
 - c. Kawusang olih kerama.
 - d. Kanorayang
2. Nguwusan Pemangku ring ajeng kasulurang manut pararem.

Pawos 39

Patias utawi olih-olihan. Pamangku :

1. Saking panyolasan sarin canang kasulurang ring pararem.
2. Saking upon-upon palaba miwah punya sewosan kasulurang ring pararem.
3. Laluputan urunan miwah pakaryan kasulurang ring pararem.

Palet 2

Resi Yadnya

Pawos 40

Indik Mapodgala

1. Sang pacang mapudgala/madwijati patut nunas panugrahan ring Parisada Hindu Dharma Indonesia miwah Guru Wisesa, taler patut masadok ring Bendesa Adat.
2. Bendesa Adat inucap sareng nureksain, mangda sulur kalih pamarginnya yakti-yakti manut ring kecaping Agama Hindu sane patut katureksain pinih ajeng kacedaanggan miwah kamulusan wasanan mahuripe.
3. Prade wenten sinanggeh kantun kamer, prajuru inucap patut nguningayang ring sang rumawos (Parisada Hindu Dharma Indonesia lan sang ngawiwenang).
4. Prajuru inucap patut sareng ngawas nitenin pamargin upakara/upacara.
5. Krama Desa patut ngawentenang punya manut kabuatannya saha kasulurang ring parerem.
6. Sawusan pamargin upacara inucap, Bendesa Adat patut digelis nyiarang indike punika ring paparuman Desa.

Pawos 41

Nintenin Sang sampun Mapodgala

1. Prajuru patut nuntun ngamanggalanin krama Desane upeksa nentenin sapamargin para wikune ring wawidangan Desa adat Sanggulan, pamekas mikukuhin kasucian Ida.
2. Bendesa Adat patut digelis atur uninga ring nabennya, prade wenten wiku sasar laksana tur atur piuning patut kadulurin cihna anut ring Tri Pramana (bhukti, Ilikhita miwah saksi).
3. Daging pamutus bawos sane katiwakang olih nabennya

- patut digelis kasiarang ring paruman Desa.
4. Prade pamutus tatiwake ring ajeng kapineh durung sidha tinas apadang, Bandesa Adat atur upeksa ring sang rumawos (Parisada Hindu Dharma Indonesia utawi pemerintah).
 5. Pamutus tatiwak nabe sane sampun kasanggra antuk sang rumawos inucap sinanggeh pamutus pastika, tan kawicaranan malih.
 6. Kapungkur wekasan, ngaturan punia manut pararem.

Pawos 42

Indik Nitenin Pamargin Yadnya.

1. Sang pacang mawinten maka buatan pacang mamargi ngamangkunin, nyonteng, Kabayan Dalang saha luirennya pacang ngenterang/ngatebang Yadnya, patut masadok ring prajuru Desane.
2. Prajuru inucap patut ngawas nintenin, mangda pamargine manut ring kecaping Agama.
3. Prajuru Desane wenang ngalengin, prade kacihnan sasar ring kecaping Agama miwah drestane.
4. Sang tan terima ring tatiwak prajuru inucap, dados nunas pamutus pastika tan kawicaranan malih.
5. Prajuru Desane patut sareng nyaksinin pamargin upacara sang mawinten, lumaris kasiarang ring paruman Desa, tegap rawuhing wates kewenangan penganteb Yadnyane sane dados kamargiang manut panugrahan Dan Guru/Resi.

Pawos 43

Indik Muput Yadnya

1. Krama Desa patut sareng ngawas nintenin katuntun olih Prajuru, mangda sahanan Yadnyane sane kawentenang kaicen pamuput olih Sang Sulinggih manut kewenangannya soang-soang.

2. Prade wenten ngalempasin, bilih-bilih sane pastika nyumuka, prajurune wenang ngalangin utawi ngurungan Yadnya punika, prade kadurusang, Yadnya saha padewasannya sinanggeh tan wenten syah.
3. Sang ngalepasin patut katiwakin pamidanda olih prajuru, agung alit, manut sadasana prarem.
4. Prade sang katiwakin tungkas ring prajuru, wenang tunasang bawos ring sane patut ngicenin pamutus, pamekas tan wenang kawicaranan malih.
5. Sapasira ugi sane mayadnya saha kapuput olih sulinggih, kawenang taler ngaturang Daksina katuntun olih prajuru kasulurang ring pararem.

Palet 3

Pitra Yadnya

Pawos 44

Upakara lan Nyangra atiwa-atiwa

A. U p a k a r a :

1. Bacakan yusan jadma sane kengin tan kengin tiwakin upakara luire :
 - a. Wong rare durung mayusa tigang sasih tan kengin kaaben, nanging wenang antuk ngalungah.
 - b. Wong rare sane mayusa lintangan ring tigang sasih tur sampun maketus untu, kengin kaabaen.
2. Sahanan upakara miwah dadudonannya, kaanutang ring sastra Agama Hindu sane lumaku ring Desa Adat Sanggulan manut pararem.

B. Nyanggra atiwa-tiwa :

1. Pakaryan atiwa-tiwa kengin kasukserah ring Banjar utawi tempekan manut kabuatan,
2. Banjare utawi tempekane sumakuta nyanggra yan sampun manut kadi ring awig-awig Desane.

Padewasan atiwa-tiwa :

1. Krama sane pacang ngawentenang atiwa-tiwa, sadurunge patut masadok rumuhun nunas kebakasan ring Bendesa Adat.
2. Prajuru/Bendesa Adat patut nitenin tur nuntun mangda jadma punika tinas tan nyantulin kasukertan Desa, pamekas tan nyepungin kasuci desa miwah kahyangan.
3. Pidabdab nintenin tur nuntun kadi inucap kaenterang luire :
 - a. Prade wenten jadma padem sajeroning masengker pitung rahina dados kaaben, sajawaning ring babanjaran wenten kabuatan tios makadi :
 1. Nemonin pemelaspasan kahyangan Desa, pamekas ring Tri Kahyangan (Pura Fuseh, Pura Bale Agung, Pura Dalem) lan Pura Mrajapati, taler ring Pura Bale Banjar (Adat);
 2. Nemonin rarahinan gumi makadi Purnama, Tilem, miwah sakancannya.
 3. Nemonin rahinan gumi tiosan sane kalintang mabuat :
 - b. Ngaben sang padem sangkaning tan sareh, sakit ila miwah sakancannya wenang kaaben, sakemawon maweweh antuk upakara penebusan sapatutnya.

Indik Mendem Sawa utawi ngeseng sawa :

1. Pidabdab mendem/ngeseng sawa kasulurang sakadi ring sor puniki :
 - a. Kapastika tan dados nginepang bangbang pacang nanem sawa.
 - b. Sawa wong rare sane durung mayusa tigang sasih (105

- rahina) patut kapendem pramangke tan ngetangan pendewasan drestaning sama.
- c. Sajeroning arahina ring pabanjaran prade wenten mendem sawa lan ngaben, ilen mendem sawane patut kamargian rumuhun, selanturnya, wawau ngilenang upakara pengebenan.
 - d. Jadmane sane padem sangkaning salah pati, ngulah pati sakit ila sawane dados ngeranjing ring pakubonan
 - e. Sapasira ugi sane pacang makarya kuburan/gagumuk pinih rihi patut ngawentenang pasadok ring prajuru.
 - f. Saluwir gagumuk ring Setra sane kasinanggeh ngalikadin patut kagubar olih kulawarga sane madruwe.
 - g. Tan dados malebu utawi mendem sawa ngapuanan.
2. Sapasira ugi mendem sawa patut ring setra/tunon, tan dados ring karang paumahan, tegal miwah carik lan sane sewosan.
 3. Yening prade wenten sinalih tunggil krama Desa ngamanggihin sawa tan kapariangken, patut masadok ring prajuru, tur I Prajuru patut nyulurang indik punika ring Guru Wisesa.

Pawos 47

Indik Setra/Tunon

1. Genah ngeseng/mendem sawa pawongan sang maagama Hindu ring Desa Adat Sanggulan kawastanin Setra/Tunon.
2. Sang.pacang ngangge setra/tunon sadurunge patut masadok ring Bendesa Adat nunas babebasan, saha tata ngangge manut kadi dresta lan sapatuduh prajuru inucap.
3. Krama Desa sinamian patut nitenin, mangda sahaning leteh setrane tan ngelahlah/kabakta kedesa pakraman,

bilih-bilih kakahyangan.

4. Tan dados ngalangkar watang, yan tan saha upacara, agung alit manut pararem.

Pawos 48

Indik Penanjung batu

Prade wenten sawane pacang kapendem ring setra boya wantah wargan Desa Adat Sanggulan, patut nawur pananjung batu/panukun setra, agung alit manut pararem.

Pawos 49

Indik Kacuntakan

1. Sane kasinanggeh cuntaka sekadi ring sor puniki :

- a. Cuntaka antuk kalayu sekar.
- b. Cuntaka antuk ngaraja sewala.
- c. Cuntaka antuk ngemasang putra.
- d. Cuntaka antuk karuron.
- e. Cuntaka antuk sakit ila, buduh miwah sakancannya.
- f. Cuntaka antuk pawiwahan.
- g. Cuntaka antuk gamya gamana.
- h. Cuntaka antuk salah timpal.
- i. Cuntaka antuk yening wenten anak istri mobot durung kasinangaskaran.
- j. Cuntaka antuk mamitra ngalang.
- k. Cuntaka antuk ngembasang rare sane durung kasinangaskaran.
- l. Cuntaka antuk Sad Atatayi.
- m. Cuntaka antuk wong dura desa sane ngeletehin desa inggih punika ring sor :
 - ngadol raga;
 - Pawiwahan dereng mawasta puput.

2. Sengker cuntaka manut kabuatanya tur kasulurang ring pararem.

3. Tan keneng cuntaka luire :
 - a. Sang sulinggih lan Pamangku Khyangan Tiga/ Kahyangan Desa.
 - b. Rikala piodalan sedeng mamargi utawi risampun galah tengah.
4. Sang tungkas ring pidabdab Desa, keni danda manut pararem.

Palet 4

Manusa Yadnya

Pawos 50

1. Desa Adat Sanggulan nitenin sinalih tunggil krama ngalaksanayang Manusa Yadnya manut kabuatannya.
2. Indik Manusa Yadnya, Desa Adat Sanggulan mapengamel ring sastra Agama nganutang ring dresta Desa, kapikukuh antuk krama manut pararem.
3. Sang pacang nglaksanayang Manusa Yadnya sane mabuat mangda masadok ring prajuru.
4. Sang piwal ring pidabdab Desa, keni danda manut pararem.
5. Manusa Yadnya inggih punika upacara-upacara Dharmaning kahuripan, ngawit saking patemon Kama Bang lawan Kama Putih ring sajeroning garbha gumentos kalayu sekaran riwekas.
6. Upacara inucap kadudonan sekadi ring sor :
 - a. Magedong-gedongan
 - b. Dapetan (wawu medal).
 - c. Kepus Udel.
 - d. Roras rahina.
 - e. Tutug akambuhan.
 - f. Nigang sasihin.

- g. Paweton (nem sasih apisan).
 - h. Ngeraja sewala
 - i. Matatah.
 - j. Mawiwaha.
 - k. Mawinten.
7. Upacara-upacara inucap nista, madya, utama manut sastra agama lan drestan Desa.

Palet 5

Bhuta Yadnya

Pawos 51

1. Desa Adat Sanggulan nyanggra Bhuta Yadnya kabuatan Desa, taler nitenin kabuatan bhuta yadnya sinalih tunggil krama.
2. Indik Bhuta Yadnya Desa Adat Sanggulan, mapangamel ring sastra Agama, nganutang ring drestan Desa tur kapikukuh olih krama.
3. Sang pacang ngalaksanayang bhuta yadnya sane mabuat, mangda masadok ring prajuru.
4. Sang mamurug pidabdab Desa, keni danda manut pararem.
5. Bhuta Yadnya inggih punika upacara-upacara pabyakala ring pertiwi lan kahyangan, sarwa prani saha upacara ring kabuatan tiosan.
6. Upacara pabhayakala ring sarwa prani luire :
 - a. Ring Tumpek Pangatag/tumpek wariga.
 - b. Ring Tumpek Kandang/tumpek Uye.
 - c. Upacara pakala-kalaan manusa anut Widhi Widhana taler kabwosan pabhayakala.
7. Upacara pabhayakala ring pertiwi lan kahyangan kawastanin macaru.
8. Pacaruan inucap ring ajeng, nista madya, utama, manut

kawigunan, lan kabuatan sakadi ring sor puniki :

- a. Ekasata
 - b. Pancasata.
 - c. Panca sanak.
 - d. Resi Gana.
 - e. Panca kelud.
 - f. Tawur Agung.
9. Sajawaning kadi ring ajeng kawentenan taler upakara :
- a. Masegeh manut kawigunan lan kabuatannya.
 - b. Yadnyasesa/ngejot riwusan ngarateng.

Pawos 52

1. Nangken ngawarsa ring sasih keenem, kapitu, kaulu lan kasanga pacaruan manut dresta Agama Hindu.
2. Rikala ngalaksanayang tawur/caru sasih kasanga kadulurin antuk pangrupukan saha kamargian ring rahina Tilem.
3. Sawusan macaru lan ngrupuk benjangnyane patut ngelarang panyepian, saha pabratan sekadi :
 - a. Amatigeni = tan kalugra maapi-api.
 - b. Amati karya = tan kalugra ngambil pakaryan.
 - c. Amati lalungan = tan kelugra meleluasan.
 - d. Amati lalangan = tan kelugra masuara utawi nyuarang sarana sane keras-keras.
4. Pabratan inucap kamargiang saking semeng ring pananggal apisan ngantos wengi rawuh ring benjang semeng ring pananggal ping kalih gumentos kulkul pangembake kasuarayang.
5. Riwus rahina nyepi (benjangnyane), makacihna pangawit saka Warsa patut krama desa ngawentenang pangaksama majalaran antuk Upacara "Dharmasanthi".

SARBA V
BUKERTA TATA PAWONGAN

Palet 1

Indik Pawiwahan

Pawos 53

1. Indik pawiwahan/alaki rabi, Desa puniki ngemanggehang daging Undang-undang Perkawinan No. 1 tahun 1974 saha Peraturan Pelaksanaannya No. 9 Tahun 1975.
2. Sinalih tunggil krama kapastika sah parabiannya, yan sampun saha widhi widhana manut Agama Hindu inggih punika makala-kalaan, kasaksi antuk prajuru saha ngalingga tangani ngalantur kasuratang ring Kantor Catatan Sipil Kabupaten Tabanan.
3. Sang ngalaksanayang alaki rabi mangda masadok ring prajuru.
4. Pelaksanaan utawi pemargin pawiwahan luire :
 - a. Papadikan.
 - b. ngarorod = ngerangkat riyin wawu kakrunayang.
 - c. Nyeburin utawi nyentana.
5. Pidabdab sang pacang mawiwaha :
 - a. Sampun menggah deha/taruna.
 - b. Sakaning pada arsa.
 - c. Manut kecaping Agama.
 - d. Kasudi wadaniang prade pangambile tios Agama.
6. Sang piwal ring pidabdab Desa Adat, kekeninin danda manut pararem.

Pawos 54

Pewarangan :

1. Sinalih tunggil krama yan pacang ngawarangan kulawargannya, patut masadok ring Bandesa Adate sanistan

- ipun 10 rahina sabanen dewasa ancer-ancer pawarangannya.
2. Bendesa Adat patut maritetesin prade pamargine sampun manut ring drestaning pawarangan, patut kalicen pasayuban sapatutnya.
 3. Yan pawarangannya lempas ring kekecap Agama, ring panastikan uger-uger Pemerintah, prajuru inucap maweh panuntun tur pawarangannya patut kaurungan.
 4. Prade panureksannya nyihnayang pawarangan sampun patut, upakarannya dados kalanturang.
 5. Ring panumayan upakara pawidhi widhananya, prajuru inucap patut nodya pinaka saksi.
 6. Prajuru pinaka saksi patut nitenin indik sulur pamargin pawarangannya sane mebuat upami : babaktan, tetadtadan, jiwa sang pradhanan lan selanturnya.
 7. Bandesa Adat digelis nyuratang pawarangannya inucap ring ilikhitannya, saha nyiarang ring paruman Desane.

Pawos 55

Ngerorod/Ngerangkat.

1. Krama sane nampi wong ngerorod patut premangkin masadok ring Bendesa Adate.
2. Bandesa Adate patut digelis netes sang ngerorod, maka buatan marityaksayang pamargin manut tan manut ring dresta.
3. Bilih sampun nepek pamargine ring dresta, sang ngerorod miwah sang nampi polih pamikukuh pasayuban Desa makadi Bandesa Adat.
4. Prade pamargine tan manut ring dresta, Bandesa Adate patut digelis malasang sang kinirakira katitenin, kawehin pasayuban olih Bandesa Adate.
5. Bandesa Adate digelis patut ngutsahayang matahu wirang ring sang katetehan punika, prade doh genah linggihnya

- manawi ring dura Desa tur pikolih utsahane kaatur ring sang rumawos manut dudonan.
6. Sang mabiseke sasampune kapiditotes wasan kalih umahnya, patut katundung saking wawidangan Desa Adat Sanggulan.
 7. Krama sane nampi patut katetes saha katureksa manut ring prakertinya, yan sarugon ring corah/nyarengin misekayang wenang kadanda agung alit manut pamutus Bandesa Adat tepakang ring pararem.

Palet 2

Indik Sentana

Pawos 56

1. Desa Adat Sanggulan nitenin sinalih tunggil krama ngawentenan sentana.
2. Indik sentana, Desa Adat Sanggulan mapagamel ring uger-uger jagat Republik Indonesia, nganutang ring drestan Desa tur kapikukuh olih krama manut pararem.
3. Sang pacang ngadegang sentana mangda masadok ring prajuru.
4. Sang mamurug ring pidabdab Desa, keni danda manut pararem.

Palet 3

Indik Warisan

Pawos 57

1. Desa Adat Sanggulan nitenin sinalih tunggil krama ngalaksanayang indik warisan.
2. Indik warisan, Desa Adat Sanggulan mapagamel ring uger-uger jagat (Pemerintah), nganutang ring dresta Desa, tur kapikukuh oleh krama manut pararem.

3. Sang pacang ngindikang warisan mangda masadok ring Prajuru.

4. Sang mamurug pidabdab Desa, kakenin danda manut pararem.

Palet 4

Indik Sutarepting Pawongan

Pawos 58

Ngembasang Rare,

1. Yen wenten krama madruwe putra, masengker rahina saking embasnyane patut masadok ring Bandesa Adat.

2. Bandesa Adat ngunggahang Sang embas punika ring ilikita Desane.

3. Yen wenten krama ngembasang Putra buncing (sane lanang) rihinan tur sane istri ungkuran, indike punika tan kabawos manak salah.

4. Sang kawentenannya kadi ring ajeng, krama Desa patut arsa parama tulung.

Pawos 59

Ngerobang :

1. Sahanan krama sane ngerobang utawi ngajak anak sewosan lempas ring pakulawargane upami :

a. Ngajak Wong duduk-dudukan.

b. Ngajak nyama mulih saking makurenan.

c. Jadma masundelang dewek.

d. ngajak nyama mulih saking rajeg sentana.

e. Wong pastika jenek, miwah sane tiosan patut atur supeksa ring Bandesa Adat.

2. Pasadok ring ajeng kaduluran antuk keterangan pastika ngeninin linggih, arta brana, tetegenan krama kalih sang kaajak inucap.

3. Krama sane kaerobang/kaajak patut negen sumakuta (negen

tanggung jawab) negenang lampah sang kaajak, arepe ring kasukertan Desane.

4. Bandesa Adate lumaris ngunggahang pasadok inucap ring ilikhitan Desane tur nyiarang ring paruman Desa.

Pawos 60

Tamyu,

1. Krama sane nampi tamyu jantos makolem, patut masadok ring Bandesa Adat.
2. Prade tamyune pacang madunungan jantos langkung ring awuku, Kelian Adat (Kelian Banjar) patut nureksain pisan mungguwing makabuatnya miwah surat keterangannya.
3. Bilih yen madunungan jantos sasihan utawi tahunan suwenyane kaunggahang ring ilikhitan Desa tur dunungan inucap patut sareng nedunin masuka duka manut linggih.
4. Yen tan tinut ring inucap, patut kadanda agung alit manut pararem.

SARGA VI

WICARA LAN PAMIDANDA

Palet 1

Indik Wicara

Pawos 61

1. Sane wenang mawosin makadi mutusan wicara ring Desa inggih Bandesa Adat saha angga Prajuru Adat.
2. Prade sang mawicara tan wenten cumpu ring pamutus Kerta Desa, kengin nunasang wicara inucap ring sang rumawos/ngawiwenang (Pengadilan Negeri).
3. Sahanan wicara mawiwit kecorahan saha luire sinanggeh nungkasin daging awig-awig pasuara miwah pararem Desa/Banjar, prajuru patut digelis mawosin tan nyantos pasadok.

4. Sajaba wicara kadi ring ajeng, patut nyantosin pasadok sang nunas bawos.
5. Penepase patut pastika nyatenang iwang patut malarapan Tri Premana (saksi, likhita, bukti) miwah tan maren nepek ring catur dresta miwah uger-uger sang ngawiwenang.

Palet 2

Indik Pamidanda

Pawos 62

1. Desane wenang niwakang pamidanda ring warga Desa sane sisip.
2. Paniwak inucap kalaksanayang olih Bandesa/Kelian Banjar.
3. Bacakan pamidanda luire :
 - a. Ayahan panukun kasisipan.
 - b. Danda artha (panikel urunan).
 - c. Rerampagan.
 - d. Kedaut karang Desa.
 - e. Kenorayanan
 - f. Penyangaskaran.
4. Pamidanda sane katiwakang patut masor singgih manut ring kasisipane.
5. Jinah utawi raja urana pamidanda ngaranjing dados druwen Desa Adat/Banjar Adat.
6. Indik pamindanda inucap kasulurang manut perarem.

Pawos 63

1. Krama sane langkungan ring tigang sasih ngalantur tan nawur urunan miwah dadandan wenang kerampag.
2. Rerampagan ngangge tatacara kadi ring sor :
 - a. Kalaksanayang antuk bendesa adat saha angga prajuru kasarengin antuk krama, sekene tigang diri maka saksi.

- b. Sang ngarampag sangkaning darsana ngambil barang utawi nyawenin tanem tuwuh, akehnya manut ring hutang sang karampag.
- c. Prajuru/Bendesa Adat miteketang mangda barang-barang sane karampag digelis ketebus, masengker awuku ring kutus rahina pacang keaadol.
- d. Tan dados ngarampag saluir barang sane kapingkitang manut Agama Hindu miwah mademang pangupe jiwa sang karampag.

Pawos 64

- 1. Prade sang karampag ngawara (ngalangin) pelaksana inucap, mawastu sampun tan nganutin awig-awig :
 - a. Karang desa sane kagenahin olih sang karampag kead-
lan/utawi;
 - b. Kanorayang makrama Desa Adat;
 - c. Indik ngenorayang pinih riyin kaatut ring Guru Wisesa
(Pengadilan Negeri).
- 2. Pamidanda inucap ring ajeng, keni buntas ring sampun sang kakenin :
 - a. Nyihnayang raga nyupat laksanane iwang, tur setinut
ring pidabdab desane ngelantur.
 - b. Nawur pangargan panguak pasubayanne duk pacang
karampag saha hatur uninga ring pura Desa antuk
upacara pararem.
- 3. Sang kadanda ri sampun ngamargining kadi ring ajeng nomor kalih (2) wenang katerima malih dados krama banjar.

SARGA VII

NGUWAH NGUWAHIN AWIG-AWIG

Pawos 65

- 1. Nguwah nguwahin awig-awig Desa punika kalaksanayang

- malarapan antuk paruman desa.
2. Awig-Awig punika kamargiang ngawit kaingkupin (kararemin).
 3. Sakaluirin sane wenten sadurung awig-awig puniki, patut kaanutang ri sadaging awig-awig punika.
 4. Sakaluiring sane durung kabawos sajeroning awig-awig puniki pacang kasuratang ring pararem.
 5. Daging sahanan pararem patut saelon ring Awig-Awig.
 6. Sane patut kaunggahang ring pararem inggih punika :
 - a. Dewasa ngawitin pamargin unteng-unteng daging awig-awig,
 - b. Rincian daging Awig-awig sane mabuat.
 - c. Agung alit pamidanda muang punikel-punikelnya lan selanturnya.
 - d. Tata sulur ngamargiang daging Awig-Awig.

SARGA VIII

PEMUPUT

Pawos 69

- (1). Awig-Awig Puniki kararemin duk rahina : Buda Kliwon
Wuku Pahang tanggal ping 4 (empat) Sasih keenem
Warsa Isaka 1916 tanggal Masehi 7 Desember 1994 ring
Bale Desa Adat Sanggulan.
- (2). Awig-awig puniki kalingga tanganin antuk Bendesa Adat
Sanggulan miwah olih sang ngawiwenang manut kewe-
nangannya.
- (3). Luire sang ngelingga tanganin :

1. KAPERTAMA PRAJURU/DULUN DESA :



1. Bendesa Adat Sanggulan

(DRS. I KETUT SUARA)

2. SAKSI-SAKSI.



Kepala Lingkungan
Sanggulan

(KETUT LADRA)



Lurah Banjar Anyar.

(I GUSTI NGURAH MADE SUCITA)
NIP. 600007735



Parisada Hindu Dharma
Kecamatan Kediri

(IDA BAGUS TANTRA)




Camat Kediri


(DRS. I MADE TANTRA)
Pangkat : Penata
NIP : 010075991

KAWIKAHIN OLIH :


1. Badan Pelaksana Pembina
Lembaga Adat Kabupaten
Daerah Tingkat II Tabanan,


I MADE SUARDA.

2. Parisada Hindu Dharma
Kabupaten Daerah Tingkat
II Tabanan,


I MADE SAMBA.

3. Kepala Kantor Departemen
Agama Kabupaten Tabanan.


Drs. I MADE RATA LEGAWA.
NIP.150178485.

MURDANING PAMIKUKUH


BUPATI KABUPATEN DAERAH TINGKAT II
TABANAN.


KOMANG WIJANA.

SURAT - PERNYATAAN

Pada hari ini, klemis tanggal dua puluh sembilan Agustus seribu sembilan ratus sembilan puluh empat, kami yang bertanda tangan dibawah ini bertindak dan atas nama Desa Adat masing-masing :

1. Nama : Drs. I Ketut Suara;
Umur : 44 tahun;
Jabatan : Bendesa Adat Sanggulan;
Agama : Hindu;
Alamat : Lingkungan Sanggulan, Kelurahan Banjar Anyar, Kecamatan Kediri, Kabupaten Daerah Tingkat II Tabanan;

Selanjutnya disebut fihak I.

2. Nama : Ida Bagus Ketut Sedana;
Umur : 35 tahun;
Jabatan : Bendesa Adat Jadi;
Agama : Hindu;
Alamat : Lingkungan Jadi, Kelurahan Banjar Anyar, Kecamatan Kediri, Kabupaten Daerah Tingkat II Tabanan;

Dan disebut fihak II.

Setelah diadakan beberapa kali bermusyawarah dan didampingi segenap prajuru (pengurus) Adat masing-masing, dipimpin oleh Lurah Banjar Anyar, Drs. I Gusti Ngurah Mayun di Kantor Lurah Banjar Anyar dan turun kelapengen, sama-sama bersepakat mengambil keputusan untuk menetapkan batas utara Wilayah Desa Adat Sanggulan dan batas selatan Wilayah Desa Adat Jadi dengan tanda-tanda batas sebagai berikut :

- a. lebih kurang 30 meter ke-selatan jalan menuju ke Lingkungan Tanah Bang;
- b. di sebelah Selatan jalan tersebut ada serumpun bambu ori (bambu yang berduri).

Demikian surat pernyataan ini untuk dapat dipergunakan bilamana perlu.



Bendesa Adat Sanggulan,
(Fihak I)
Drs. I KETUT SUARA



Bendesa Adat Jadi,
(Fihak II)
IDA BAGUS KETUT SEDANA.

Sesepuh Banjar Anyar,
I MADE MUDRA



- SAKSI :
1. Kepala Lingkungan Sanggulan
 2. Kepala Lingkungan Jadi,
 3. Sesepuh Desa Adat Sanggulan
 4. Sesepuh Desa Adat Jadi,

I KETUT LADRA

I GUSTI CAKRA

I GUSTI NGURAH RAKA

I MADE MUDRA



Mengetahui
Lurah Banjar Anyar,
Drs. I GUSTI NGURAH MAYUN.
NIP. 800006364.

S U R A T - P E R N Y A T A A N

Pada hari ini, Senin tanggal 28 Nopember 1994, kami yang bertanda tangan dibawah ini bertindak dan atas nama Desa Adat masing-masing :

1. N a m a : Drs. I Ketut Suara;
- U m u r : 44 tahun;
- Jabatan : Bendesa Adat Sanggulan;
- A g a m a : Hindu;
- Alamat : Lingkungan Sanggulan, Kelurahan Banjar Anyar, Kecamatan Kediri, Kabupaten Daerah Tingkat II Tabanan;

Disebut fihak I (satu).


2. N a m a : I Nyoman Daweg;
- U m u r : 60 tahun;
- Jabatan : Bendesa Adat Demung;
- A g a m a : Hindu;
- Alamat : Lingkungan Demung, Kelurahan Kediri, Kecamatan Kediri, Kabupaten Daerah Tingkat II Tabanan;

Selanjutnya disebut fihak II (dua)

Dengan ini kami menyatakan, bahwa sama - sama setuju untuk menentukan / menetapkan batas wilayah sisi Kelod (Selatan) Desa Adat Sanggulan dan Wilayah sisi Kaler (Utara) Desa Adat Demung berdasarkan musyawarah - mupakat, dengan tanda-tanda batas sebagai berikut :

- a. Sisi Kelod Tegal Banjaran Teges;
- b. Sisi Kelod Subak Jadi Sekeha Sanggulan;
- c. Sisi Kelod Jalan Pura Dalem menuju kebeji Pancoran Bingin (sampai Tukad Yeh Dati).

Demikian surat pernyataan ini untuk dapat dipergunakan bilamana perlu.

1. Bendesa Adat Sanggulan,
(Fihak I)

Drs. I KETUT SUARA.

Bendesa Adat Demung,
(Fihak II)

I NYOMAN DAWEG

SAKSI SAKSI :

1. Kepala Lingkungan Sanggulan,

KEL. KETUT SADRA.

2. Kepala Lingkungan Demung,
KEC. KEDIRI

I GUSTI PUTU TOYA.

MENGETAHUI

1. Lurah Banjar Anyar,
LURAH
BANJAR ANYAR

I GUSTI NGURAH MADE SUCITA.
NIP. 600007735.

Lurah Kediri,
LURAH
KEDIRI

I GUSTI NGURAH BAGUS
NIP. 050021507

SUSUNAN PANITIA PERUMUS
AWIG-AWIG DESA ADAT SANGGULAN

I. PEMBINA :

1. I GUSTI NGURAH RAKA
2. DRS. I NYOMAN BUDIASA.

II. KETUA :

1. DRS. I KETUT SUARA (Ketua I)
2. I NYOMAN SUJIKA, SH (Ketua II)

III. SEKRETARIS :

1. I WAYAN GANDERI (Sekretaris I)
2. I KETUT GIRI ARNAYA, SH (Sekretaris II)

IV. ANGGOTA :

1. I NYOMAN SUDATA
2. I WAYAN SUKA
3. I KETUT RAWEG
4. I MADE SUBRATA
5. I MADE SARWA
6. I WAYAN NURIADA
7. I MADE DEBLUG
8. I NYOMAN SUWANDI
9. I WAYAN NETRA

Bendesa Adat
Sanggulan,

DRS. I KETUT SUARA)